

[Augsburg], 3. November 1552

An Johannes Oporinus

UB Basel, Fr. Gr. I 11, fol. 163r.  
Steinmann Nr. 664.

S. P. D. His diebus quidam Engelbertus Hadamarius me conuenit, qui se tuum correctorem anno superiore fuisse dicebat, atque apud te et libros et vestes et literas magisterij sui testes habere, neque se dubitare quin a te vitae innocentiae actae facilè testimonium esset impetraturus. His verbis hominis adductus, curaui, vt apud D. Ioannem Henricum Herbardum victum haberet, quoad intelligeremus verané essent, quae profiteretur, ac tum homini, vt appareat, quanquam ferenti nulla fides, et bono et non indocto alijs in rebus consuleretur. Quare Mi Oporine testimonium tuum desideramus, quod verum ac iustum fore persuasum habemus: ne vel ego me hominem improbum commendasse, vel ille suo periculo fousisse, doleamus. Evidem vereri nonihil mihi subit, ne plura iactarit, quam res patiatur. Sed si dissimulanda inopiae causa mentitus est, συγγνωστὸς ὅν εἴη, modò ne sit impostor et homo vagus, qui non fungi officio boni viri studeat, sed ad tempus duntaxat mendicitati sua pastum quaeritare satagat. Vale. 3 Nonas Nouembbris. Anno 1552.

Hiero[nymus] Wolfius Tuus.